



DOKAZI DA JE
ISBĀL HARĀM

DOKAZI
da je
ISBĀL
HARĀM

Plav, Sandžak
ša'bān 1429. hidžretske
avgust 2008. godine

DOKAZI DA JE ISBĀL HARĀM

Izdavač:

"K e l i m e t u l - H a q q"

Plav, Sandžak

www.kelimetulhaqq.net

kelimetulhaqq@gmail.com

Autor:

Ebū Ahmed

Unos i prelom teksta:

Ebū Se'īd 'AbdulMelik

Ebū Ahmed

Dizajn korice:

Ebū Merjem

Štampa:

"K e l i m e t u l - H a q q"

V A Ž N A N A P O M E N A !

Svako kopiranje i umnožavanje ove knjige
ili bilo kojeg njenog dijela bez odobrenja
autora ovog prijevoda je veoma
pohvaljeno i preporučljivo

DOKAZI DA JE ISBĀL HARĀM

**Rekao je Allāhov Poslanik
Muhammed, sallallāhu 'alejhi we sellem:**

"Najvrijedniji džihād je reći **riječ istine** pred nepravednim vladarem."¹

"Prvak šehīdā je Hamza, a potom čovjek koji dođe nepravednom vladaru, kaže mu **istinu** u lice, pa ga vladar ubije."²



"Neka nikoga od vas ne spriječi strah od ljudi da kaže istinu kada je vidi ili bude njen svjedok, jer mu **riječ istine** neće približiti čas smrti, niti mu umanjiti nafaku."³

¹ hadīth bilježe Ebū Dāwūd, et-Tirmidhī i Ibn Mādže u svojim "Sunenima" od Ebū Se'ida el-Hudrija i Ebū Umāme el-Bahilija

² hadīth bilježi Hākīm od Džābir ibn 'Abdullāha

³ hadīth bilježi imām Ahmed u svome "Musnedu" od Ebū Se'ida el-Hudrija

DOKAZI DA JE ISBĀL HARĀM



U ime Allāha, Milostivog, Samilosnog

DEFINICIJA ISBĀLA

Pojam **ISBĀL** označava nošenje odjeće koja prelazi preko nožnih članaka, bilo to nošenje iz oholosti, samoljublja, smatranja sebe boljim od drugih ili ne.

Vidimo da se ovo djelo uveliko proširilo među onima koji se pripisuju islāmu i muslimanima, pa čak i među muslimanima koji se drže vjerskih propisa. Zato ćemo se potruditi da na narednim stranicama iznesemo dokaze za stav iz naslova.

STATUS MUSBILA (onoga koji čini isbāl)

Da li je ovo djelo u našoj uzvišenoj vjeri, islāmu, *halāl* (dozvoljeno), *mekrūh* (pokuđeno) ili *harām* (zabranjeno)? Nesumnjivo je da nam Uzvišeni Allāh naređuje da slijedimo Njegovog Poslanika, *sallallāhu 'alejhi we sellem*, i da ga uzmemo za primjer u svakom polju života.

DOKAZI DA JE ISBĀL HARĀM

DOKAZI IZ QUR'ĀNA *o obaveznosti slijeđenja Allāhovog Poslanika, sallallāhu 'alejhi we sellem*

Ājeti koji govore o obaveznosti slijeđenja Allāhovog Poslanika, *sallallāhu 'alejhi we sellem*, u svakom segmentu života su mnogobrojni i potpuno jasni i nedvosmisleni.

Iako se u Qur'ānu ni na jednom mjestu izričito ne spominje *isbāl* niti njegova zabrana, stroga naredba slijeđenja Allāhovog Poslanika, *sallallāhu 'alejhi we sellem*, zahtijeva slijeđenje njega, *sallallāhu 'alejhi we sellem*, kako u *'ibādetu, ahlāqu, da'wi*, tako i u vanjskom izgledu i oblačenju.

Rekao je Uzvišeni Allāh, Gospodar svjetova:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ
ذُنُوبَكُمْ وَاللَّهُ غَفُورٌ رَحِيمٌ

"Reci: 'Ako Allāha volite - mene slijedite, pa će vas Allāh voljeti i grijehе vam oprostiti!' A Allāh prašta i samilostan je."⁴

⁴ sūra Alu Imrān, 31. ājet

DOKAZI DA JE ISBĀL HARĀM

قُلْ أَطِيعُوا اللَّهَ وَالرَّسُولَ ^ط فَإِن تَوَلَّوْا فَإِنِ اللَّهُ لَا يُحِبُّ
الْكَافِرِينَ

"Reci: 'Pokoravajte se Allāhu i poslaniku!' A ako oni glave okrenu - pa, Allāh, zaista, ne voli nevjernike." ⁵

وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ
يَكُونَ لَهُمُ الْخِيَرَةُ مِنْ أَمْرِهِمْ ^ظ وَمَنْ يَعِصِ اللَّهَ وَرَسُولَهُ فَقَدْ
ضَلَّ ضَلَالًا مُّبِينًا

"Kada Allāh i Njegov Poslanik nešto odrede, onda ni vjernik ni vjernica nemaju pravo da po svom prohtjevu postupe. A ko Allāha i Njegovog Poslanika ne poslušaju - taj je sigurno skrenuo s pravog puta." ⁶

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ
وَالْيَوْمَ الْآخِرَ وَذَكَرَ اللَّهَ كَثِيرًا

"Vi u Allāhovom Poslaniku imate divan uzor za onoga koji se nada Allāhovoju milosti i nagradi na onom svijetu, i koji mnogo Allāha spominje." ⁷

⁵ sūra Alu Imrān, 32. ājet

⁶ sūra el-Ahzāb, 36. ājet

⁷ sūra el-Ahzāb, 21. ājet

DOKAZI DA JE ISBĀL HARĀM

مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّىٰ فَمَا أَرْسَلْنَاكَ
عَلَيْهِمْ حَافِيًا

"Onaj ko se pokorava poslaniku - pokorava se i Allāhu; a onaj ko glavu okreće - pa mi te nismo poslali da im čuvar budeš." ⁸

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ
ثُمَّ لَا يَجِدُوا فِيْٓ أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا

"I tako Mi Gospodara tvoga, oni neće vjerovati sve dok tebe ne uzmu za sudiju u međusobnim sporovima, i dok onda u dušama svojim nimalo tegobe ne osjete zbog onoga što si presudio i dok se sasvim ne pokore." ⁹

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا وَاتَّقُوا
اللَّهَ إِنَّ اللَّهَ شَدِيدُ الْعِقَابِ

"Ono što vam poslanik dā - to uzmite; a ono što vam zabrani - to ostavite. I bojte se Allāha i znajte da Allāh strašno kažnjava." ¹⁰

⁸ sūra en-Nisā, 80. ājet

⁹ sūra en- Nisā, 65. ājet

¹⁰ sūra el-Hašr, 7. ājet

DOKAZI DA JE ISBĀL HARĀM

وَمَا يَنْطِقُ عَنِ الْهَوَىٰ ﴿٢﴾ إِنْ هُوَ إِلَّا وَحْيٌ يُوحَىٰ

"On ne govori po hiru svome - to je Objava koja mu se obznanjuje." ¹¹

وَأَنَّ هَذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا السَّبِيلَ
فَتَفَرَّقَ بِكُمْ عَن سَبِيلِهِ ۚ ذَٰلِكُمْ وَصَّيْتُكُمْ بِهِ ۚ لَعَلَّكُمْ تَتَّقُونَ

"I doista, ovo je pravi put moj. Zato se njega držite i druge puteve ne slijedite, pa da vas odvoje od puta Njegovog. Eto, to vam On naređuje, da biste se grijeha klonili." ¹²

يُصَلِّحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ ۗ وَمَن يُطِيعِ اللَّهَ
وَرَسُولَهُ ۖ فَقَدْ فَازَ فَوْزًا عَظِيمًا

"On će vaša djela poboljšati i grijeha vam vaše oprostiti. A onaj Ko se Allahu i poslaniku Njegovom bude pokoravao - taj će pobijediti velikom pobjedom." ¹³

قُلْ يَتَّيِبُهَا النَّاسُ ۖ إِنِّي رَسُولُ اللَّهِ إِلَيْكُمْ ۖ جَمِيعًا ۗ الَّذِي لَهُ
مُلْكُ السَّمَوَاتِ وَالْأَرْضِ ۖ لَا إِلَهَ إِلَّا هُوَ يُحْيِي ۖ وَيُمِيتُ ۖ

¹¹ sūra en-Nedžm, 3. i 4. ājet

¹² sūra el-En ām, 153. ājet

¹³ sūra el-Ahzāb, 71. ājet

DOKAZI DA JE ISBĀL HARĀM

فَعَامِنُوا بِاللَّهِ وَرَسُولِهِ النَّبِيِّ الْأُمِّيِّ الَّذِي يُؤْمِنُ بِاللَّهِ
وَكَلامَتِهِ ۚ وَاتَّبِعُوهُ لَعَلَّكُمْ تَهْتَدُونَ

"Reci: 'O ljudi, ja sam svima vama Allāhov poslanik. Njegova vlast je na nebesima i na Zemlji; nema drugog boga osim Njega, On život i smrt daje. Zato vjerujte u Allāha i u poslanika Njegovog, vjerovjesnika, koji ne zna da čita i piše, koji vjeruje u Allaha i riječi Njegove; njega slijedite - da biste na pravom putu bili!' " 14

وَكَذَلِكَ أَوْحَيْنَا إِلَيْكَ رُوحًا مِّنْ أَمْرِنَا ۚ مَا كُنْتَ تَدْرِي مَا
الْكِتَابُ وَلَا الْإِيمَانُ وَلَكِن جَعَلْنَاهُ نُورًا نَّهْدِي بِهِ مَن نَّشَاءُ
مِّنْ عِبَادِنَا ۚ وَإِنَّكَ لَتَهْدِي إِلَى صِرَاطٍ مُّسْتَقِيمٍ ﴿٥٢﴾ صِرَاطِ
اللَّهِ الَّذِي لَهُ مَا فِي السَّمَاوَاتِ وَمَا فِي الْأَرْضِ ۗ أَلَا إِلَى اللَّهِ
تَصِيرُ الْأُمُورُ

"Na takav način mi i tebi objavljujemo ono što ti se objavljuje. Ti nisi znao šta je Knjiga niti si poznavao vjerske propise, ali smo je mi učinili svjetlom pomoću kojeg upućujemo one robove Naše koje želimo. A ti zaista upućuješ na pravi put, na put Allāha, kome pripada sve

¹⁴ sūra el-E rāf, 158. ājet

DOKAZI DA JE ISBĀL HARĀM

što je na nebesima i sve što je na Zemlji. A Allāhu će se sve vratiti!"¹⁵

وَأَقِيمُوا الصَّلَاةَ وَآتُوا الزَّكَاةَ وَأَطِيعُوا الرَّسُولَ لَعَلَّكُمْ

تُرْحَمُونَ

"I namāz obavljajte, zekāt dajte i poslaniku poslušni budite, da bi vam se milost ukazala."¹⁶

وَأَطِيعُوا اللَّهَ وَالرَّسُولَ لَعَلَّكُمْ تُرْحَمُونَ

"I pokoravajte se Allāhu i poslaniku da bi vam bila milost ukazana."¹⁷

¹⁵ sūra eš-Šūrā, 52. i 53. ājet

¹⁶ sūra en-Nūr, 56. ājet

¹⁷ sūra Ālu Imrān, 132. ājet

DOKAZI DA JE ISBĀL HARĀM

DOKAZI IZ SUNNETA (HADĪTHA)

*o obaveznosti slijeđenja
Allāhovog Poslanika,
sallallāhu 'alejhi we sellem*

Od Ebū Hurejre, *radijallāhu 'anhu*, se prenosi da je Allāhov Poslanik, *sallallāhu 'alejhi we sellem*, rekao:

"Ono što sam vam zabranio - ostavite odmah, a ono što sam vam naredio - učinite od toga koliko možete." ¹⁸

A od 'Abdullāha ibn 'Amr ibn 'Āsa, *radijallāhu 'anhu*, se prenosi da je Allāhov Poslanik, *sallallāhu 'alejhi we sellem*, rekao:

"Niko od vas neće vjerovati sve dok njegova strast ne bude slijedila ono s čim sam došao!" ¹⁹

Od 'Irbād ibn Sārije, *radijallāhu 'anhu*, se prenosi da je Allāhov Poslanik, *sallallāhu 'alejhi we sellem*, u govoru od kojeg su se kože ježile, a oči rosile suzama, rekao:

"Onaj od vas ko poživi nakon mene vidjeće mnoga razilaženja. Preporučujem vam da se držite moga sunneta i sunneta pravovjernih, upućenih halīfā. Očnjacima se (čvrsto) držite za taj sunnet i čuvajte se uvedenih stvari, jer je svaka novotarija zabluda." ²⁰

I rekao je Allāhov Poslanik, *sallallāhu 'alejhi we sellem*:

¹⁸ hadīth bilježe el-Buhāri i Muslim

¹⁹ hadīth bilježi imām en-Newewi u zbirci "Četrdeset hadītha", kaže da je hasenun-sahīh i da se nalazi u knjizi "El-Hudždže" od Ebul-Feth el-Maqdisija

²⁰ hadīth bilježe Ebū Dāwūd i et-Tirmidhi

DOKAZI DA JE ISBĀL HARĀM

"Svi će moji sljedbenici ući u džennet, osim onih koji odbiju".

Rekli su ashābi:

"A ko to odbija, Allāhov Poslaniče?"

...a on im odgovori:

"Ko mi se bude pokoravao – taj će ući u džennet, a ko mi se suprostavi – taj neće ući." ²¹

Također je rekao:

"Ko mi se pokori – pokorio se Allāhu; a ko je nepokoran meni – pa, taj je nepokoran Allāhu." ²²

Također je rekao, *sallallāhu 'alejhi we sellem*:

"Islām je počeo sa pojedincima i ponovo će se svesti na pojedince, kao i što je i počeo; pa blago tim pojedincima. To su oni koji će popravljati ono što su ljudi, poslije mene od moga sunneta, iskvārili." ²³

I rekao je, *sallallāhu 'alejhi we sellem*:

"Ko oživi i obnovi jedan moj sunnet – dobiće toliko nagrade koliko iznosi nagrada svih ljudi koji po tom sunnetu poslije njega budu radili, a da se njima nimalo ne umanji od njihove nagrade." ²⁴

I rekao je:

²¹ hadīth bilježi el-Buhārī

²² hadīth bilježe Muslim i et-Tirmidhī

²³ hadīth bilježe Muslim i et-Tirmidhī

²⁴ hadīth bilježi et-Tirmidhī

DOKAZI DA JE ISBĀL HARĀM

"Ko oživljava moj sunnet – on mene voli, a ko mene voli – sa mnom će biti u dženetu." ²⁵

Također je Allāhov Poslanik sallallāhu 'alejhi we sellem, rekao:

"Uskoro će se desiti da se čovjeku koji sjedi zavaljen u svojoj fotelji donese (ispriča) moj hadīth, pa će on reći: 'Između nas i vas je Qur'ān Uzvišenog Allāha, pa ono što u njemu nađemo da je dozvoljeno – smatraćemo halālom, a šta u njemu nađemo da je zabranjeno – smatraćemo harāmom.' ²⁶ *A zaista je ono što je zabranio Allāhov Poslanik isto kao što je zabranio Allāh."* ²⁷

I rekao je, sallallāhu 'alejhi we sellem:

"Ostavljam vam dvije stvari; nećete zalutati dok god ih se budete pridržavali: Allāhovu Knjigu i moj sunnet." ²⁸

I rekao je:

"Zaista će neki od mojih sljedbenika biti dovedeni na Sudnji dan, meleki će ih uzeti i povesti u pravcu džehenema, pa ću ja reći: 'Gospodaru, to su moji sljedbenici!' pa će mi se reći: 'Ti zaista ne znaš šta su oni činili poslije tebe!' A ja ću tada reći ono što je rekao dobri Allāhov rob ('Isā, a.s.): 'Ja sam nad njima bdio dok sam među njima bio, a kad si mi Ti dušu uzeo, Ti si ih jedini nadzirao; Ti nad svim bdiš. A ako ih kazniš, robovi su Tvoji, a ako im oprostiš, Silan i

²⁵ hadīth bilježi et-Tirmidhī

²⁶ Tj. prihvataće Qur'an, ali neće mariti za sunnet Allāhovog Poslanika, sallallāhu 'alejhi we sellem

²⁷ hadīth bilježe Ebū Dāwūd i Ibn Mādže u svojim "Sunenima"

²⁸ hadīth bilježi imām Mālik u "Muwetti"

DOKAZI DA JE ISBĀL HARĀM

Mudar Ti si.' A zatim će se meni reći: 'Oni su se odmetnuli (od Qur'āna i sunneta) odmah nakon tvoje smrti!'"²⁹

Allāhov Poslanik, *sallallāhu 'alejhi we sellem*, je svoj govor, hutbe i obraćanja ashābima često počinjao poznatom "*hutbetul-hadždže*", u čijem završetku stoji:

"Uistinu, najljepši govor je Allāhov govor, a najbolja uputa je uputa Muhammeda, sallallāhu 'alejhi we sellem; najgore stvari su novotarije, svaka novotarija je zabluda, a svaka zabluda je u vatri."³⁰

Također je Allāhov Poslanik *sallallāhu 'alejhi we sellem*, rekao:

"Onaj ko ne slijedi moj sunnet - nije od mene (nije moj)."³¹

²⁹ hadīth je muttefekun 'alejh, tj. bilježe ga el-Buhārī i Muslim

³⁰ hadīth bilježe Muslim, Ebū Dāwūd, en-Nesā'ī, Ibn Mādže, imām Ahmed i drugi

³¹ hadīth bilježe el-Buhārī, imām Ahmed i en-Nesā'ī

DOKAZI DA JE ISBĀL HARĀM

DOKAZI IZ SUNNETA (HADĪTHA) da je isbāl harām

Dakle, muslimanima, sljedbenicima ummeta Muhammeda, *sallallāhu 'alejhi we sellem*, je naređeno da svoga poslanika uzmu za sudiju, za praktičan primjer, za uzor u svom vjerovanju i ubjeđenju (*'aqidi*), praktikovanju tog vjerovanja (*'ibādetu*), ponašanju i moralu (*ahlāqu*), pozivanju u Alāhovu vjeru (*da'wi*), metodologiji (*menhedžu*) u radu na stvaranju islamskog društva, kao i spoljašnjem izgledu i oblačenju.

A šta bi značilo slijeđenje Allāhovog Poslanika, *sallallāhu 'alejhi we sellem*, u pogledu oblačenja ili, preciznije, u pogledu dužine nogavica?

Koje su to bile dužine nogavice ili haljine Allāhovog Poslanika, *sallallāhu 'alejhi we sellem*?

PRVI DOKAZ:

Odjeća najboljeg čovjeka koji je ikad Zemljom hodao, Muhammeda, *sallallāhu 'alejhi we sellem*, je uvijek bila podignuta do sredine nožnih listova.³²

DRUGI DOKAZ:

³² hadith bilježe imām Ahmed i et-Tirmidhī

DOKAZI DA JE ISBĀL HARĀM

'Uthmān ibn 'Affān, *radijallāhu 'anhu*, kaže:

"Donja odjeća Allāhovog Poslanika, sallallāhu 'alejhi we sellem, je dosezala do sredine njegovih nožnih listova (potkoljenica)."

Dakle, takva je bila praksa Allāhovog Poslanika, *sallallāhu 'alejhi we sellem*. Ko je to bolji od Allāhovog Poslanika, *sallallāhu 'alejhi we sellem*, pa može sebi dozvoliti da spušta odjeću?

Ali, da li je on samo to tako praktikovao (pa je to samo sunnet), ili je druge tome pozivao i naređivao im podizanje odjeće (pa je to obaveza)?

TREĆI DOKAZ:

Prenosi se da je 'Ubejd ibn Hālid, *radijallāhu 'anhu*, rekao:

"Išao sam, a za mnom se vukao moj ogrtač. Neko mi se obrati riječima:

"Podigni svoj ogrtač! Tako ćeš ga sačuvati od prljavštine i duže će ti trajati."

Ja pogledah i vidjeh da je to Allāhov Poslanik, sallallāhu 'alejhi we sellem, pa rekoh:

"Ali, to je samo prugasta crno-bijela burda (ogrtač)."

Allāhov Poslanik, sallallāhu 'alejhi we sellem, tada reče:

"Zar nemaš u meni primjer?"

Pogledao sam u njega i vidio da je njegova odjeća bila spuštena do sredine njegovih listova."

ČETVRTI DOKAZ:

DOKAZI DA JE ISBĀL HARĀM

Prenosi se da je Ibn Mes'ūd, *radijallāhu 'anhu*, rekao:
"Allāhov Poslanik, *sallallāhu 'alejhi we sellem*, nije vidio deset stvari..."
...i između ostalih stvari nabrojao je i spuštanje odjeće (ispod članaka)."

PETI DOKAZ:

Kada je Allāhov Poslanik, *sallallāhu 'alejhi we sellem*, ugledao čovjeka kome se odjeća vukla ispod članaka, požurio je ka njemu i rekao mu:

"Podigni svoju odjeću i boj se Allāha!"

Na to čovjek reče:

"Ja sam *ahnaf* (onaj koji ima nestabilna stopala)",

... a Allāhov Poslanik, *sallallāhu 'alejhi we sellem*, mu na to reče:

"Podigni svoju odjeću! Zaista je sve od Allāhovog stvaranja samo dobro."

Poslije toga ovog čovjeka niko nije mogao više vidjeti sa odjećom koja se vuče, već mu je dostizala do sredine potkoljenica (nožnih listova).³³

ŠESTI DOKAZ:

Ebū Umāme, *radijallāhu 'anhu*, kaže:

"Dok smo bili sa Allāhovim Poslanikom, *sallallāhu 'alejhi we sellem*, pratio nas je 'Amr ibn Zarraha el-Ensari, *radijallāhu 'anhu*, a na njemu je bio ogrtač čiji je kraj bio nisko spušten.

³³ hadith bilježe Ahmed i drugi

DOKAZI DA JE ISBĀL HARĀM

Allāhov Poslanik, *sallallāhu 'alejhi we sellem*, je počeo da hvata stranu svoje odjeće, obraćajući se ponizno Allāhu:

"Ja sam Tvoj rob, sin Tvoj roba i Tvoje robinje,...",

– sve dok 'Amr to nije čuo i shvatio kritiku, pa je rekao:

"O, Allāhov Poslaniče, ja sam osoba koja ima mršave nožne listove!"

Na ovo mu Allāhov Poslanik, *sallallāhu 'alejhi we sellem*, odgovori:

"O, 'Amr! Allāh je sve stvorio savršeno! O, 'Amr! Allāh ne voli musbila!" ³⁴

SEDMI DOKAZ:

Rekao je Allāhov Poslanik, *sallallāhu 'alejhi we sellem*, ashābu Sufjān ibn Sehl, *radijallāhu 'anhu*:

"O, Sufjān ibn Sehl! Ne spuštaj svoja odjeću ispod članaka, jer Allāh ne voli musbile." ³⁵ ³⁶

OSMI DOKAZ:

Rekao je Allāhov Poslanik, *sallallāhu 'alejhi we sellem*, ashābu Džābir ibn Sālimu, *radijallāhu 'anhu*:

"I čuvaj se dobro da ti odjeća ne prelazi ispod članaka, jer je to samoljublje, ³⁷ a Allāh to ne voli."

DEVETI DOKAZ:

³⁴ hadīth bilježi Taberānī i drugi

³⁵ one čija se odjeća vuče, tj., koji čine *isbāl*

³⁶ hadīth bilježi Ibn Mādže u svome "Sunenu"

³⁷ oholost, ponos, prikazivanje čovjeka boljim od ostalih

DOKAZI DA JE ISBĀL HARĀM

"Sve što od odjeće bude ispod članaka, biće (gorjeće) u vatri!" ³⁸

DESETI DOKAZ:

'Abdullāh ibn 'Umer, radijallāhu 'anhu, kaže:

"Otišao sam da posjetim Allāhovog Poslanika, sallallāhu 'alejhi we sellem, i zakucao na vrata, a on, sallallāhu 'alejhi we sellem, upita:

"Ko je?"

Ja rekoh:

"Abdullah."

Na to mi Allāhov Poslanik, sallallāhu 'alejhi we sellem, reče:

"Ako si Abdullah (Allāhov rob), onda podigni svoju odjeću!"

Ja to i učinih, a on reče:

"Još!"

Ja opet podigoh, a on reče:

"Još!"

Tako sam podizao svoju odjeću sve dok nije došla do sredine mojih listova (potkoljenica)!"

JEDANAESTI DOKAZ:

"Allāh je prokleo muškarce koji oponašaju žene i žene koje oponašaju muškarce!" ³⁹

Dakle, Allāh je prokleo muškarce koji oponašaju žene i žene koje oponašaju muškarce. Ko su ti prokleti?

³⁸ hadīth bilježi el-Buhārī

³⁹ Ebū Dāwūd, Ibn Mādže i drugi

DOKAZI DA JE ISBĀL HARĀM

Kada je Allāhov Poslanik, *sallallāhu 'alejhi we sellem*, rekao da Allāh na Sudnjem Danu neće ni pogledati u onoga kome se odjeća vukla iz oholosti (a iz haditha br. 8. vidimo da je svako spuštanje odjeće oholost!), pa je Ummu Seleme, *radijallāhu 'anha*, upitala šta će žene raditi, Allāhov Poslanik, *sallallāhu 'alejhi we sellem*, joj odgovori da žene treba da dodaju pedalj odjeće preko petā (da se pete ne bi ukazale). A kada mu je Ummu Seleme rekla da postoji opasnost da se i tada otkriju pete, Allāhov Poslanik, *sallallāhu 'alejhi we sellem*, je rekao: "**Onda neka produže koliko lakat, i neka ne dodaju na to.**"⁴⁰

Dakle, Allāh je prokleo muškarce koji oponašaju žene koje oponašaju muškarce. Ponovo, ko su ti prokleti?

Allāhov Poslanik, *sallallāhu 'alejhi we sellem*, je predhodnom (a i mnogim drugim hadithima) naredio muškarcima da podignu svoju odjeću, a ženama da je spuste. Muškarci je podižu da ne bi izazivali Allāhovu srdžbu,⁴¹ a žene je spuštaju da bi se sačuvala od pogleda muškaraca i da bi se time pokorile naredbi Uzvišenog Allāha.⁴²

Danas vidimo muškarce kako im se odjeća – umjesto da je spuste – vuče, pa ne vidiš šta nose na nogama ispod nje (cipele, patike, sandale?), a žene su – umjesto da svoju odjeću spuste – podigle krajeve (dna) svoje odjeće do pola listova, pa i više od toga, da Allāh sačuva. Dakle, ko god čini

⁴⁰ hadith bilježe Ebū Dāwūd, Nesā'ī i Mālik

⁴¹ u hadīthu stoji: "*Allāh ne voli musbile*"

⁴² u hadīthu se kaže: "*Žena je awret*"

DOKAZI DA JE ISBĀL HARĀM

slično – on na sebe izaziva Allāhovo prokletstvo i Njegovu srdžbu.

DVANAESTI DOKAZ:

Kada je 'Umer ibnul-Hattāb, *radijallāhu 'anhu*, vidio čovjeka kome se vuče odjeća, zovnuo ga je i upitao:

"*Da li to imaš hajz (menstruaciju)?*"

Čovjek na to upita:

"*O, vladaru pravovjernih, a može li čovjek imati menstruaciju?*"

Tada 'Umer upita:

"*Pa šta te je navelo da spustiš svoju odjeću na stopala?*"

Onda je 'Umer, *radijallāhu 'anhu*, naredio da mu donesu mač, pa je presavio donji dio njegove odjeće i osjekao sve što mu je padalo ispod članaka.

TRINAESTI DOKAZ:

'Umer, *radijallāhu 'anhu*, je rekao:

"*Čovjeka čija se odjeća vuče po zemlji zbog njegove oholosti* ⁴³
Allāh neće ni pogledati na Sudnjem Danu." ⁴⁴

ČETRINAESTI DOKAZ:

⁴³ a 8. hadith je dokaz da je svaki *isbāl*, ustvari – vid oholosti, samoljublja, smatranja sebe boljim od ostalih,...

⁴⁴ hadith bilježe Ebū Dāwūd, en-Nesā'ī i et-Tirmidhī

DOKAZI DA JE ISBĀL HARĀM

Kada je 'Umer, *radijallāhu 'anhu*, bio smrtno ranjen, obišao ga je mladić koji ga je počeo veličati i oraspoloživati, a odjeća mu se vukla. 'Umer, *radijallāhu 'anhu*, mu je tada rekao:

"*Podigni svoju odjeću. To će je čuvati od prljanja, a tebe od Allāhove kazne.*"⁴⁵

PETNAESTI DOKAZ:

Kaže Allāhov Poslanik, *sallallāhu 'alejhi we sellem*:
"*Allāh na Sudnjem Danu neće ni pogledati čovjeka koji je vukao svoju odjeću iz oholosti.*"⁴⁶

U drugoj predaji se kaže:
"*Allāh na Sudnjem Danu neće ni pogledati čovjeka koji je vukao svoju odjeću iz ponosa*".

ŠESNAESTI DOKAZ:

Prenosi Ebū Dherr, *radijallāhu 'anhu*:
"*Allāhov Poslanik, sallallāhu 'alejhi we sellem, je rekao: "Sa trojicom ljudi na Sudnjem Danu Uzvišeni Allāh neće razgovarati, niti će ih pogledati, niti će ih očistiti, i njima slijedi bolna kazna!" i ponovio je to tri puta.*

Rekao sam:

"*Nisu poslušali i zato su izgubili! Ko su ove osobe, o Allāhov Poslaniče?*"

On mi odgovori:

⁴⁵ hadīth bilježe el-Buhārī i Muslim

⁴⁶ hadīth bilježe el-Buhārī, Muslim i Ahmed

DOKAZI DA JE ISBĀL HARĀM

"Musbil (onaj koji nosi odjeću koja se vuče), onaj koji radi sa kamatom i onaj koji prodaje lošu robu, a kune se da je dobra." ⁴⁷

⁴⁷ hadīth bilježe Muslim, Ebū Dāwūd, et-Tirmidhi i drugi

DOKAZI DA JE ISBĀL HARĀM

DOKAZI IZ RIJEČI UČENJAKĀ da je isbāl harām

PRVI DOKAZ:

Učenjaci fiqha kažu:

"Svako djelo za čije činjenje je u Qur'ānu ili sunnetu spomenuta kazna (dunjalučka ili ahiretska) smatra se velikim grijehom."

Imajući u vidu kazne koje je Allāhovo Poslanik, *sallallāhu 'alejhi we sellem*, spomenuo u pogledu onoga koji čini *isbāl*, postaje jasno kakav tretman ima ovo djelo.

DRUGI DOKAZ:

Poznato pravilo iz usuli- fiqha je:

"Sve što se naređuje je wadžib, a sve što se zabranjuje je harām".

Gore smo vidjeli mnogobrojne dokaze o naredbi podizanja odjeće i o zabrani njenog spuštanja (*isbāla*).

TREĆI DOKAZ:

Kaže hāfidh Ibn Hadžer el-Asqalānī, autor najpoznatijeg komentara Buhārijine zbirke haditha (*"Fethul-Bāri"*) u komentaru nekih od hadithā koje smo gore spomenuli, a koji prijete onome kome se bude vukla odjeća:

"Hadith se treba bukvalno (doslovno) shvatiti, tj. da će odjeća koja prelazi članke zajedno sa stopalima stvarno biti u džehennemskoj vatri, kao u slučaju gdje Uzvišeni Allāh obećava nevjernicima

DOKAZI DA JE ISBĀL HARĀM

džehennemsku vatru: 'I vi, i oni kojima se klanjate – bićete sigurno gorivo u džehennemu, u njega ćete doista ući!' 48 11

ČETVRTI DOKAZ:

Tekstovi hadīthā jasno zabranjuju isbāl, bila namjera njegovog nošenja oholost ili ne.

Kaže Ibn Hadžer el-Asqalānī:

"Isbāl spomenut u ovim hadīthima je težak i ozbiljan grijeh ako se radi iz oholosti i sličnog, a u ostalim slučajevima je zabranjen." 49

PETI DOKAZ:

Hāfidh edh-Dhehebī u svom poznatom djelu *"El-Kebā'ir"* (*"Veliki grijesi"*), među velike grijehe ubraja i spuštanje odjeće ispod članaka. 50

On kaže:

"Ovaj belaj je obuhvatio mnoge ljude, osim one kojima se Allāh smilovao. Danas možete vidjeti ljude kako im odjeća prelazi članke, a ponekad se vuče i po zemlji. Da nas Allāh sačuva od tog belaja."

48 sūra el-Enbijā', 98. ājet

49 *"Fethul-Bāri"*, 10. tom, 263. str.

50 spomenuo ga kao veliki grijeh br. 54.

DOKAZI DA JE ISBĀL HARĀM

ŠESTI DOKAZ:

Komentarišući hadīth u kome se kaže da je Allāhov Poslanik, *sallallāhu 'alejhi we sellem*, iza zatvorenih vrata nekoliko puta opominjao 'Abdullāha ibn 'Umera da podigne svoju odjeću,⁵¹ neki islamski učenjaci su rekli:

"Sāma mu'džiza znanja Allāhovog Poslanika, sallallāhu 'alejhi we sellem, o tome šta je iza zatvorenih vrata i koliko je duga Ibn 'Umerova odjeća mnogo govori. Naime, da se radi o maloj stvari, zar bi Džibril sišao i obavijestio Allāhovog Poslanika, sallallāhu 'alejhi we sellem, o tome?"

SEDMI DOKAZ:

Rekao je 'Ubāde ibn Kurs:

"Vi radite stvari koje su u vašim očima male i beznačajne, a za vrijeme Allāhovog Poslanika, sallallāhu 'alejhi we sellem, one su smatrane upropaštavajućim grijesima!"

Kada su ove riječi 'Ubāde ibn Kursa spomenute Muhammed ibn Sirīnu, velikom tabi'īnu,⁵² on je rekao:

"Ja smatram da je spuštanje odjeće jedan od teških grijeha, zbog nekoliko kazni koje se spominju u hadīthima Allāhovog Poslanika, sallallāhu 'alejhi we sellem, koji govore na tu temu. Ljudi to smatraju malim grijehom zbog svog prevelikog neznanja i lažnog ponosa".

⁵¹ *"...ako si zbilja 'Abdullāh (Allāhov rob)..."*

⁵² pripadniku generacije nakon ashābā

DOKAZI DA JE ISBĀL HARĀM

Zar i pored navedenih dokaza iz Qur'āna, hadītha i iz riječi učenjaka koji svjedoče o zabrani *isbāla* ima onih koji nalaze lažna opravdanja za svoje postupke?

Vidjećemo da ih ima.

DOKAZI DA JE ISBĀL HARĀM

ODGOVORI NA POZNATA LAŽNA OPRAVDANJA (ZABLUDE) *onih koji čine isbāl*

Svi oni koji čine *isbāl* (oni koji dopuštaju da im odjeća pada na članke i ispod njih) se opravdavaju nekim svojim izgovorima, ali ćemo vidjeti da nijedno od tih opravdanja nema osnove. Ujedno ćemo vidjeti da su sva ta opravdanja neiskrena i da se njima želi sebi olakšati, a istina zaobići.

PRVA NJIHOVA ŠUBHA:

Oni najoholiji među njima ⁵³ jednostavno kažu da taj propis (zabrana *isbāla*) uopšte ne postoji u vjeri islāmu, iznoseći time laži na Uzvišenog Allāha i Njegovog Poslanika, *sallallāhu 'alejhi we sellem*.

Jer, maloprije smo spomenuli mnogobrojne dokaze koji svjedoče da je zabrana *isbāla* jedan od važnih propisa ove vjere, a nečinjenje *isbāla* jedan od prepoznatljivih obilježja ove vjere i slijeđenje puta mu'minā u spoljašnjem izgledu.

⁵³ a mnogi od njih su i imāmi (ne)Islamske Zajednice

DOKAZI DA JE ISBĀL HARĀM

DRUGA NJIHOVA ŠUBHA:

Drugi kažu da taj propis ne važi za naše, savremeno doba. Ovi idu toliko daleko da se poigravaju sa mudrošću Allāhovog propisa, pa se pravdaju glupostima, poput sledećih:

a) "*To je važno za to doba, jer su muslimani (Arapi) tada živjeli pretežno u pustinjama, pa je bilo nužno zadizati odjeću zbog prašine i nečistoća*".

Prvo, da je ovo istina, ne bismo vidjeli da Allāhov Poslanik, *sallallāhu 'alejhi we sellem*, upozorava prvake ashābā (koji su bili prvaci i u džāhilijetu) da podignu odjeću, što dakle, i pored tolike "prašine i nečistoća", nije bila njihova praksa. Prvaci naroda koji se ne čuvaju nečistoće?!

Dakle, jasno je da glavni cilj i smisao zabrane *isbāla* nije sačuvati se od prljavštine.

Drugo, i da je zabrana *isbāla* samo zbog čuvanja od nečistoća, jesu li to danas svi svjetski putevi, drumovi i seoske kaldrme kojima hode ljudi popločani mermerom, keramikom ili nečim sličnim, pa da više nema potrebe za ovim propisom?

A ponavljamo da čuvanje odjeće od nečistoće svakako nije povod zabrane *isbāla*.

DOKAZI DA JE ISBĀL HARĀM

b) "Ne možemo taj propis sprovoditi danas. Na šta bi ličili muslimani, kada bi u savremenom dobu nosili ovakvu odjeću?"

Ovo su prazne priče onih koji su u svojim glavama zacrtali da muslimani moraju ići ukorak sa kršćanima i Židovima ⁵⁴ do te mjere da im je zapadnjački način života obuzeo umove.

Više ih interesuje šta će ko reći vidjevši ih u odjeći sunneta, nego šta je rekao Allāh, s.w.t., i Njegov Poslanik, *sallallāhu 'alejhi we sellem*.

Neki ⁵⁵ idu toliko daleko da za skraćene pantalone koriste naziv "troftraljke". To su isti oni koji u svojoj nelagodi spram pojava vezanih za islām ⁵⁶ jednostavno ne mogu a da se ne podsmiju obilježjima ove vjere, pa za široke pantalone kažu "gaće", nikab na licu žene zovu "čador", dizanje prsta na *tešehudu* ⁵⁷ je za njih "burgijanje", a dizanje ruku više puta u namazu "mahanje",...

Jednostavno, musliman mora biti svjestan da je Uzvišeni Allāh, prije nego li je stvorio dunjāluk, znao šta će se sve na njemu izdešavati i do kakvih će sve nereda i iskušenja po vjernike dolaziti.

⁵⁴ pa makar i u gušterovu rupu, kako kaže Allāhov Poslanik, *sallallāhu 'alejhi we sellem*

⁵⁵ a među njima se ističu imāmi (ne)Islamske Zajednice

⁵⁶ a koje se, doista, često kose sa zapadnjačkim načinom življenja. Hvala Allāhu na tome

⁵⁷ sjedenju u namāzu

DOKAZI DA JE ISBĀL HARĀM

Pa ipak, naredio nam je da slijedimo (a kada zamre, da oživljavamo) sunnet našeg Poslanika, *sallallāhu 'alejhi we sellem*, a zabranio da slijedimo nevjernike.

TREĆA NJIHOVA ŠUBHA:

Neki među njima se pravdaju time da su njihova odjeća (nogavice) ne vuče po zemlji, već samo prelazi članke. Ovim kao da žele da kažu da se zabrana *isbāla* odnosi samo na vučenje odjeće po tlu, a da je prekrivanje članaka nogavicama dozvoljeno.

Međutim, jasno je iz mnoštva ājeta da nam je dužnost slijediti Allāhovog Poslanika, *sallallāhu 'alejhi we sellem*, ukoliko želimo biti od njegovih istinskih sljedbenika. A svako puštanje nogavica je suprostavljanje sunnetu (putu) Allāhovog Poslanika, *sallallāhu 'alejhi we sellem*, i slijeđenje nekoga drugoga mimo njega, *'alejhis-salātu wes-selām*.

Također, većina hadītha koje smo predhodno spomenuli govori upravo o zabrani spuštanja odjeće (nogavica) ispod članaka, a ne o zabrani puštanja da se one vuku po tlu!⁵⁸

Svi ovi hadīthi govore o zabrani spuštanja odjeće ispod članaka. Svakako, ako se dozvoli da se odjeća vuče po tlu, zabrana je još strožija i sadržana je u ostalim hadīthima.

⁵⁸ Pogledaj gore navedene hadīthe br. 4, 5, 6, 7, 8, 9, 10, 11, 12 i 16.

DOKAZI DA JE ISBĀL HARĀM

Hāfidh edh-Dhehebī kaže u svom poznatom djelu 'El-Kebā'ir' ('Veliki grijesi'), nakon što je kao 54. veliki grijeh naveo isbāl (spuštanje odjeće):

"Ovaj belaj je obuhvatio mnoge ljude, osim one kojima se Allāh smilovao. Danas možete vidjeti ljude kako im odjeća prelazi članke, a ponekad se vuče i po zemlji. Da nas Allāh sačuva od tog belaja."

Dakle, ovaj njihov izgovor nema nikakve osnove.

ČETVRTA NJIHOVA ŠUBHA:

Najveći dio njih se pravda tvrdnjom da oni *isbāl* ne čine iz oholosti. Ovo je ujedno i njihovo najpoznatije i najraspostanjenije "opravdanje".

Oni kažu:

"Kada je Allāhov Poslanik, sallallāhu 'alejhi we sellem, rekao da Allāh na Sudnjem Danu neće ni pogledati čovjeka kome se odjeća vukla iz oholosti, Ebu Bekr je tada rekao:

"O, Allāhov Poslaniče moja izāra (dno odjeće) ponekad bude spuštena."

Na to mu je Allāhov Poslanik, sallallāhu 'alejhi we sellem, odgovorio:

"Ali ti nisi jedan odn njih".

U ovome se nalazi njihovo opravdanje...

Oni kažu:

"Isbāl je zabranjen samo ako se nosi iz oholosti",

...i time svaki od njih sebi ohalāljuje isbāl ('jer nije iz oholosti'), tj. dozvoljavaju sebi da nose odjeću kakvu nikada

DOKAZI DA JE ISBĀL HARĀM

nije nosio nijedan sljedbenik Muhammeda, *sallallāhu 'alejhi we sellem*.

Međutim, da li je *isbāl* zabranjen samo ako se nosi zbog oholosti? Da li je to Ebū Bekr ('*pošto već nije od oholih*') uvijek imao odjeću koja je prelazila članke?

Ne. Vidjećemo da ovaj hadith podržava zabranu *isbāla*, a ne mišljenje koje odobrava *isbāl*, samo ako nije iz oholosti.

a) Hadīth jasno ukazuje da je obaveza svakog muslimana da ne dopusti da mu se odjeća vuče ispod članaka, te da je on mora podignuti ako padne, što je bila i namjera Ebū Bekra, *radijallāhu 'anhu*.

Jer, u spomenutom hadithu se kaže da je Ebū Bekr rekao:

'Moja izāra ponekad bude spuštena',

...a u drugoj predaji istog haditha:

'Jedna strana moje odjeće visi nisko, ali samo ako ne povedem računa o tome'.

Dakle, nema sumnje da, kada on povede računa o tome, odjeća Ebū Bekra bude iznad članaka.

Mnogi današnji muslimani dozvoljavaju da im se odjeća vuče ispod članaka uvijek i trajno, za razliku od Ebū Bekra, koji to nije radio stalno.

I ne samo da to sebi hladnokrvno dozvoljavaju, već čitav život provedu, nijednoga dana ne slijedeći najbolje stvorenje, Allāhovog Poslanika, *sallallāhu 'alejhi we sellem*, u dužini nogavica, pa na to svoje zanemarivanje dodaju nekada i potcjenjivanje tog sunneta, smatrajući da sām taj spis nije toliko ni bitan.

DOKAZI DA JE ISBĀL HARĀM

b) Zar ovi ne znaju da je dizanje odjeće sunnet Allāhovog Poslanika, *sallallāhu 'alejhi we sellem*, a i njegova naredba svojim sljedbenicima? Zar njima nije jasno da se na njega moramo ugledati?

c) Ako je nekome dozvoljeno da spusti odjeću, pod uslovom da to ne čini iz oholosti – najpreči bi za to bio Allāhov Poslanik, *sallallāhu 'alejhi we sellem*. Zar oni ne znaju da Allāhov Poslanik, *sallallāhu 'alejhi we sellem*, nikada nije pomislio na oholost, a da ipak nije odjeću spuštao ispod članaka?

d) Zar oni ne znaju da je Allāhov Poslanik, *sallallāhu 'alejhi we sellem*, rekao da je svako spuštanje odjeće ispod članaka (samo po sebi) – oholost? Pogledaj hadith broj osam.

e) Zar žele reći da je čuveni ashāb 'Abdullāh ibn 'Umer, *radijallāhu 'anhū* (nadaleko poznat po svom slijeđenju sunneta Allāhovog Poslanika, *sallallāhu 'alejhi we sellem*), bio ohol, pa da zato njemu Allāhov Poslanik, *sallallāhu 'alejhi we sellem*, nije dozvolio *isbāl*, većmu je naređvao da odjeću podigne, a da oni nisu oholi, pa je stoga njima *isbāl* dozvoljen?

f) Ebū Bekr je imao i zdrastvenih opravdanja, tj. razloga za povremeni *isbāl*.

Naime, ibn Hadžer el-Asqalānī bilježi da je 'Ā'īša, *radijallāhu 'anhā*, rekla:

"Ebū Bekr je imao savijena leđa, njegova izāra se nije mogla držati na njemu; bila mu je preširoka oko kukova, pa mu je često spadala".

DOKAZI DA JE ISBĀL HARĀM

Ibn Hadžer također bilježi od Qajsa ibn Ebū Qāsima, koji kaže:

*"Posjetio sam Ebū Bekra, a on je bio mršava osoba."*⁵⁹

g) Ebū Bekr, *radijallāhu 'anhu*, je dobio svedočenje lično od Allāhovog Poslanika, *sallallāhu 'alejhi we sellem*, da on nije jedan od onih koji to rade iz oholosti.

A kada i gdje je iko drugi dobio dozvolu od Allāhovog Poslanika, *sallallāhu 'alejhi we sellem*, pa da može reći:

"Ja to ne radim iz oholosti".

Pouzdana se zna da su ashābi u svemu slijedili Resūlullāha, *sallallāhu 'alejhi we sellem*, i da nijedan ashāb nije činio *isbāl*.

Poznato je, također, da su ashābi najudaljeniji od *kibra* (oholosti), pa ipak nisu činili *isbāl* i to pravdali time da nisu oholi.

Jasno se vidi da se ova dozvola odnosi samo na Ebū Bekra, a ne na čitav ummet.

A i on sam nije bio zadovoljan time⁶⁰, niti je to činio stalno⁶¹.

⁵⁹ *Fethul-Bari*, 10. tom, 255. str.

⁶⁰ vidi dokaz pod a)

⁶¹ vidi također dokaz pod a)

DOKAZI DA JE ISBĀL HARĀM

ZA KRAJ

Zar odbijanje onih koji čine *isbāl* (*musbilā*), nakon svih ovih dokaza, ne govori o oholosti?

Rekao je Uzvišeni Allāh:

وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ ۖ ثُمَّ أَعْرَضَ عَنْهَا ۗ إِنَّا مِنَ
الْمُجْرِمِينَ مُنْتَقِمُونَ

"Ima li nepravednijeg od onoga koji, opomenut riječima Gospodara svoga, njima leđa okrene? Mi ćemo zaista kazniti zlikovce!"⁶²

Prenosi se da je Allāhovo Poslanik, *sallallāhu 'alejhi we sellem*, rekao:

"Neće osjetiti miris dženneta onaj u čijem srcu bude koliko trun oholosti."

Pa reče neko od prisutnih *ashābā*:

"Allāhovo Poslanice, je li oholost ako neko od nas voli da se lijepo obuče?"

Allāhovo Poslanik, *sallallāhu 'alejhi we sellem*, odgovori:

"Ne. Allāh je lijep i voli ljepotu. Oholost je odbijanje istine i omalovažavanje ljudi."⁶³

⁶² sūra es-Sedžde, 22. ājet

⁶³ hadith bilježi *imām* el-Buhārī

DOKAZI DA JE ISBĀL HARĀM

Neka je *salawāt* i *selām* na Allāhovog posljednjeg poslanika i našeg miljenika, Muhammeda ibn 'Abdullāha, koji je rekao:

"Onaj ko ne slijedi moj sunnet - nije moj".

I koji je također rekao:

"Čovjek će (na onome svijetu) biti s onim koga voli".

Naša posljednja dova je:

Hvala Allāhu, Gospodaru svjetova.

Ebū Ahmed,

Plav, Sandžak

ša'bān 1429. hidžretske

avgust 2008. godine

www.kelimetulhaqq.net

